
 BIBLIOTHECA UNIV. JACELLI CRACOVENSIS	kal.komp.
	589247
Mag. St. Dr.	III

Mag. St. Dr.



Biblioteka Jagiellońska



stdr0000230

ARÆ THEMIDIS.

Incenso Virtutum, Eruditionis, meritorumq; refulgentes.

D V M,

SVB EXIMIA PROTECTIONE,

ILLVSTRISSIMI & REVERENDISSIMI DOMINI,

D. IOANNIS
MAŁACHOWSKI,

Dei, & Apostolicæ Sedis Gratiâ, Episcopi Cracouiensis, Ducis Seueriæ,
Almæ Vniuersitatis Cracouiensis Cancellarij Fauentissimi,
Sub felicissimis verò Auspicijs,

Magnifici, Perillustri, & Admodum Reuerendi Domini,

D.M. SIMONIS STANISLAI
MAKOWSKI.

S. Theol: Doctoris & Professoris, Collegæ Maioris, Ecclesiæ Collegiatæ S. Floriani Custodis,
Curati Nasiechouicensis, Contubernij Hierosolymitani Prouisoris, S. R. M. Secretarij, Almæ Vniuer-
sitatis Cracouiensis, Generalis & Vigilantissimi.

R E C T O R I S,

A

Perillustri, Clarissimo, & Admodum Reuerendo Domino,

D.M. SAMVELE FORMANKOWICZ,

V. I. Doctore & Professore, Protonotario Apostolico, Ecclesiæ Collegiatæ SS. Omnium
Custode, Curato Premykouiensi, Contubernij Iagelloniani Prouisore,

Perillustres, Excellentissimi, & Admodum Reuerendi Domini,

D. M. IOANNES STANCZEWIC,

Protonotarius Apostolicus, Ecclesiæ Cathedralis Premislien. & Bobouiens. Canonicus, Illu-
strissimi Loci Ordinarij Premislien. Causarum Auditor,

E T

D. M. IACOBVS ZELAZOWSKI,

Protonotarius Apostolicus, Scholasticus Tarnouiensis, Canonicus Bobouiensis, ad Ec-
clesiam Archipræsbyteralem B. M. V. in Circulo Crac: Poenitentiariorum Domus, Senior Pater, Philoso-
phiæ Doctores, & V. I. Licentiati, Laurea Doctorali Iuris Vtriusq;, In florentissima Illustrium Ho-
spitum Corona, ritu solenni, & magno omnium applausu,

In Lectorio Collegij DD. Iure Consultorum, insignirentur,

Honori tantorum Virorum,

E R E C T Æ,

ET A. M. RAPHAËLE CASIMIRO ARTENSKI,
Philosophiæ Doctore, Collegæ Minore, Ordinario Eloquentiæ Professore, amoris & benevolentiae ergo gra-
tulatorio calamo, Seræ posteritati

D E D I C A T Æ.

ANNO DOMINI, 1681. Die 11. Decembris.

C R A C O V I Æ,

Typis FRANCISCI CEZARY, S. R. M. Nec non Illustissimi & Reuerendissimi Episcopi Crac:
Ducis Seueriæ, Typogr.



ARA THEMIDIS,

Incenso Eruditæ Sapientiæ coruscans.

Augusta Legum Numina,
tot erectæ circumstant aræ, quot, per Iustitiam, bonæ
Causæ triumphant.

Victoria hæc, orbis anima est.

Quemadmodum omne Terræ viuens, ita & hæc calore viuit, in
vniuersi corpore.

Procul tamen Ignis eius, ab Ignibus Promethei.
Lutum vir ille calefieri coelesti flamma, sed ineptè cupiit; quia ad
incongrua, solem ausus trahere.
*Supernus calor, supremo conformis Elemento, in terris morari nequit,
nisi conuenienti pabulo sustentetur.*

Iustitia de cœlo non prospicit, nisi de terra veritate orta.
Veritas de terra orta est, & Iustitia de cœlo pro-
spexit. *Psal. 84.*

Felices, Sapientiâ & Eruditione insignes Viri,

Perillustres, Excellentissimi, & Admodum Reuerendi Domini,

D. M. IOANNES STANCZEWIC,

^{E T}
D. M. IACOBVS ZELAZOWSKI,

Protonotarij Apostolici, &c. &c. quondam in Vniuersitate Cracoui-
ensi, Philosophiæ Doctores & Professores, nunc Iuris Vtriusq; Licen-
tiati, eiusdemq; Inclytæ Facultatis, Doctoratum Prensantes.

Quadrata Virûm pectora,

erectas Themidi Sacræ Aras gerunt.

In eis

posuere Incensum, Diuæ Themidi gratissimum,

Summam in Artibus & Philosophia, tot, à teneris, quæsitam
annos, Eruditionem.

A 2

Hæc

589247

Mag. H. L.

1974 \$2 103 St. Dr.

Hæc est summa Terræ Veritas & optima,
Literatorum Honorum incedendo gradibus, eam attingere metam,
quæ est,

Mater Artium Scientiarumq;, Philosophia.

Hanc lubens, de suprema Sapientiæ Hierarchia prospicit,
Diua Interpres Legumq; Præses Iustitiæ:
Hæc, ceu pabulo Ignis, nutritur, fouetur in terris; hominumq; Cau-
sas, lumine Astræa collustrat,
Cephisæo Themis firmat Oraculo.

Aliter!

Ultima Cælestium, terras Astræa relinquit. Ouid. 1. Metam.

Et cæli sortita locum, quæ proximus illi,

Tardus in occasum, sequitur sua plaustra Bootes. Aratus.

Per hæc Sacra pectorum,

Viri Perillustres & Excellentissimi,

Capita vestra clariora fiunt Apollinis capite.

Illud fabuloso celebre lumine;
Hæc, ingenij amœnitate, Iudicij grauitate, Eloquentia, in Sacris Politi-
cisq; Rostris, dulcisono, ceu radijs fulgentissimis, Gymnasia, Eccle-
sias, Tribunalis Augustalia, in dies reddunt illustriora.

Veluti Sol, clariora spargens lumina, dum tendit in augem.

In splendoribus eiusmodi celebres.

meruistis Pythiorum Lauros.

*Fabulosa narratione, Pythona, è terra natum putredine, Sagittis
confecisse Phæbus auditur.*

Physica veritate, Sol, nubilosos radijs terreos, consumit vapores.
Iuridica Gloria, Vestrorum animorum splendoribus, famam parit im-
mortalem; tot eis deferendo Laureas, quot difficultatum monstra, in
Artibus & scientijs, in Philosophia & Sacris Literis, in vtroq; lure, lu-
diciorumq; subsellijs, Ingenij, Iudicij, Eloquentiæ, Legumq; peritiæ, Radi-
js, confecistis; quot caligines difficultatum dissipastis, quot

Causarum tenebras, etiam nunc, illustrastis.

**Aram vestrorum animorum, luminibus co-
ruscantem,**

Elianum rectè dixerim Holocaustum.

Magnus structor eius, Incensorq; Propheta, gratisimum Cœlitibus,
proficuum Terrigenis; profligando fontes, erigendo infontes, obfir-
mando Fas, frangendo Nefas; Deo gloriam, hominibus vtilita-
tem, sibi celebre nomen peperit.

Pariter

Pariter huic Triadi, litare intendit,
quando Vos;

Zelotes fortissimus, pro Aris focisque Academicis, Facultatis Inclytæ
Iuridicæ Phœnix, Almæ Vniuersitatis nostræ, Delphico maius Ora-
culum, Columnen, Decus, Paterq; meritisissimus,

Perillustris, Clarissimus & Admodum Reuerendus Dominus,

D.M. ALBERTVS LANCVCCKI,

V.I. Doctor & Professor, Ecclesiarum, Cathedralis Cracouien.
Canonicus, Collegiatae S. S. Omnium Cancellarius, Pilecensis
Archidiaconus, Curatus Luboricensis, Almæ Vniuersi-
tatis Cracouien. Procancellarius Dignissimus,

Augem Honoris istius conscendere permisit,
& Auctoritate sibi, ab Illustrissimo Loci Ordinario, demandata
Licentiauit.

Maneat vestra hæc Ara perennis,
Quousq; Phœbæa Lampas, Astreæ fanū, post Zo-
diaci Leonem, anteq; Libram erectum, lu-
strabit & collustrabit.

Incensum eius,

Christianis Heroibus, inter Astra relatis, IO-
ANNI Herculi, IACOBO Perseo, posi-
tum & accensum, currat, ascendat, in Odo-
rem suauitatis.



ARA THEMIDIS,

Incenso virtutum meritorumq; inflammata.

Magnus angusti laris hospes animus, non Latumijs arctatur.

In Circo, ad præmia currendi, sistitur in corpore.

Dilatare suum nequit ergastulum.

Sed Orbem virtutibus, cœlo cognata progenie, implet.

Germina eius hæc, Deucalionis lapides ne dixeris!

Super quo Diuini vultus Lumen signatum est,

Dina virtutum Genera producit.

His Aram ponimus.

Honori Vestro dicatam accensamq;,

Perillustres Iure Consultorum Gemmæ,

E ditissimo Consi gazophilatio depromptæ,

Examinis Academici Lydio staterâq; , magni æstimatæ.

Inuitâ licet, & abnuente videri audiriq; Modestiâ,

Vobis, toto vitæ Curriculo, Comite, quia innatâ.

Quæ Animi Candidi, benè compositi, & inno-
centis Index est.

Ita nimirum, foetam Selecto fructu segetem, ubertas deprimat &
inclinat,

sed erigit in gaudia, spectantium animos.

Pariter Vos Mineruæ Virtutisq; Hypecaustria,

humano generi optatissima,

recreatis quemlibet,

Consilij efficaciam, Candore Humanitatis, Comitæ morum, rerum
dexteritate agendarum, solerti Prudentiâ, Exemplo imitandi, doctri-

nâ faciles, magnis magnorum Heroum Præfuhumq; pectoribus

estis in pretio, illis cari omnibus, qui æstimare vir-

tutem ex asse, norunt.

Vnus pro omnibus, Honoris causâ nominetur.

Illustrissimus & Reuerendissimus Dominus,

D. IOANES ZBASKI,

Dei & Apostolicæ Sedis Gratiâ, Episcopus Præmisliensis, Or-

dinis Canonorum Regularium Sanctissimi Sepulchri Do-

mini Hierosolymitani, Præpositus Generalis, Admini-

strator Abbatiae Suleiouiensis.

Sanctitatis Corculum, Sapientiae Oraculum, Senatûs Poloni Lumen,
Præfulum Gemma, Cathedræ Præmisliensis Delicium, Salus,
& Anima,

Fauoribus in Vos Gratijsq; collatis, declarauit, quanti vestras
Virtutes fecerit.

Sed etiam, tam beneuolo Viris Literatis & optimis affectu, lu-
culentiùs prodidit,

Præfuleum suum pectus, omnium Virtutum esse Encyclopœdiam,
Eruditionisq; Emporium.

*Virtutes alterius, tantò alter impensius amat æstimatùe, quantò ipse ma-
ioribus abundat.* Innoc. Petricius, in Com: Sapientum

Parcite Principes & Dynastæ sensui decernenti!

Datam Vobis quidem potestatem desuper, Eminendi,
Sed Virorum indigam, in partem sollicitudinis vocandorum.

Tale ne adminiculum, an eo adiutus Princeps felicior?
vtriq; decernite.

Veritas Pythagorico (Ipse dixit) Oraculo probanda!

*Mutuum inter Principem & Consiliarios Præfectosq;, auxilium regendi
subditos felicissimum, quod iustam Virorum æstimatorem, Princi-
pis animum inuenit, Virosq; dignos æstimatione.*

**Fautores Heroas & Præsules, Vosq; eorum
Clientes,**

consummata felicitate hac beari,

tot fauorum Ornamenta loquuntur, Prælaturæ, Canoniciatus,
Coronæ vestrorum in Aulis Principum in Ecclesia Dei, meri-
torum.

Lumina tanta Vestri animi,

præferre circulos non dicerem,

ni auream oris Alcidae catenam efficerent, dulce magnorum

animorum vinculum.

ni, duratio illis esset circularis æternitas, atq; Laus immortalis.

Superna enim hæc Vos circumstant Numina, in vnoquoq;

gregatim sociata:

Omnes præterea, puro quæ crimina pellunt,

Ore Dea; vinxere Choros vnoq; receptæ

Pectore; diuersos vt post famulentur in Vtus.

(Iliconis.

Claud. in Paneg: Sty-

Catena hæc Aurea,

Amicitiae, charitatisq; mutuae, nexum Vobis coarctat.

Hic, nodus quidem est, Gordio perplexior: mag

Sed perplexitas eius, quamvis radium sit contendentibus dissolvere,
mira tamen dulcedine afficit, firmare nitentes.

Hic, Macedonius nihil proficit acinaces.
Et acutiores illo, discordias machinantium aculei, franguntur & he-
betantur, Charitatis Virtutum complementi, adusti flammis.

Mutua Virtutis nexu firmata amicitia, indissolubilis.

**Meritò Vestras non distinguimus Virtutes,
dum honoramus.**

Nam vni Vestrum, maiora quæpiam deferentem Eloquentiam
errore confundi oporteret;

Nisi fraterna inter Vos intercedens beneuolentia, eam leuauerit Ale-
xandri verbis, excusantibus errantem Darij Matrem, pro eo ipso,
Amicum eius, maiestate proceritatis maioris impel-

lente, saluantem:

**Non errasti (inquit) Domina! nam & hic
Alexander est.**

Honor Vester, Virtutis fidus Achates,

Incensum suauissimum, annet, perennet, in Ara cordium, Virtuti, Vi-
ris eruditione, Sapientiâ, meritorumq; gloriâ conspicuis,
fauentium.

Ignis flammam, Virtus honorem parit.

**Virtus, omnis, ut sit Virtus, ex charitatis flamma proueniat,
necessarium omnino est.**

Ergo Seraphicis flammis Virtus contermina,
in Ara nostro erecta calamo,
Incensum ponit honorem.

Quem,

nullus humani artifex eloquij, nulla veneratio effingere, Vobisq; de-
ferre potest maiorem, quàm, quòd, coelica destinatione,
Amici fueritis,

IACOBVS & IOANNES,

Apostolica hæc vnus Matris nomina,
annuente cœlo, tulere Orbi honores Gratiarum:
ab Orbe inuicem honorati.

Maiorem pariter honorem optari Vobis, nec fas est nec posse reor:
Quàm, dum,

generando Vos Vtriusq; Iuris Doctores,

Vna in Septentrione, Virtutis & Sapientiæ Mater,

VNIVERSITAS CRACOVIENSIS,

Cœlo supplicat, ut sit honor Vester hic,
Ara Refugij, Ara Gratiarum.

Bibl Jag

Bibi Jaa

